

ЎЗБЕКИСТОН РЕСПУБЛИКАСИ  
ОЛИЙ ВА ЎРТА МАХСУС ТАЪЛИМ ВАЗИРЛИГИ

---

---

ФАРҒОНА ДАВЛАТ УНИВЕРСИТЕТИ

**FarDU.  
ILMIY  
XABARLAR-**

1995 йилдан нашр этилади  
Йилда 6 марта чиқади

3-2018  
ИЮНЬ

**НАУЧНЫЙ  
ВЕСТНИК.  
ФерГУ**

Издаётся с 1995 года  
Выходит 6 раз в год

---

## АДАБИЁТШУНОСЛИК

---

<b>З.ПАРДАЕВА</b>	
Роман жанрининг культурологик қиёфаси .....	63
<b>С.ҚУРОНОВ</b>	
Исажон Султон романларида олам ва одам концепцияси.....	66
<b>Ф.ДАДАБАЕВА</b>	
Абдулла Қодирийнинг “Ўткан кунлар” асарида портрет ва сифатлашлар таржимаси.....	69
<b>М.ЖУРАЕВА</b>	
Кундош образининг замонавий талқини.....	72

## ТИЛШУНОСЛИК

---

<b>А.МАМАЖОНОВ, Д.ТЕШАБОЕВ</b>	
Қўшма гаплар семантикасига доир баъзи мулоҳазалар .....	76
<b>Д.ТУРДАЛИЕВА</b>	
Лисоний имконият ва бадий санъат .....	79
<b>Н.АБДУЛЛАЕВА</b>	
Синтактик градуонимия.....	84

## ПЕДАГОГИКА, ПСИХОЛОГИЯ

---

<b>А.ХОЖИМИРЗАЕВ</b>	
Мактабгача таълим муассасаларида асосий гимнастика воситаларининг ўрни .....	87
<b>Р.ДЖАЛИЛОВА</b>	
Ўрта Осиё меъморчилигида наққошлик санъатининг тарихий ва замонавий моҳияти.....	92

## ИЛМИЙ АХБОРОТ

---

<b>К.ҚОДИРОВ, Т.БАКИРОВ, Ҳ.ҚОДИРОВА</b>	
Математик фанларни ўқитишда улар орасидаги узвийликни очиб бериш ҳамда ўзаро алоқадорликдан фойдаланиш.....	95
<b>Л.РАХИМОВА</b>	
Ядросида Бессель функцияси қатнашган ўрамсиз операторлар ва уларнинг хоссалари .....	99
<b>М.РАХИМОВ, Ф.ТУХТАСИНОВ</b>	
Жадал технология шароитида четдан келтирилган сигирларнинг сут маҳсулдорлигига боқув технологиясининг таъсири .....	101
<b>А.ЭРМАТОВ</b>	
Корхона захира (резерв) капиталининг бухгалтерия ҳисобини такомиллаштириш .....	103
<b>Л.БЕГИМҚУЛОВА</b>	
Шоҳруҳ Мирзонинг давлатчилик фаолиятига оид айрим мулоҳазалар.....	106
<b>М. УСМАНОВА</b>	
Нутқ фаолиятининг хусусиятлари ва ривожланиши .....	108
<b>Ҳ.ЖУРАЕВ, И.АБДУРАҲИМОВА</b>	
Бобур лирикасида ифоданинг маъно қатламлари .....	111
<b>Н.ТОШЕВА</b>	
Халқ топишмоқлари эпиграф сифатида.....	113
<b>Г.РОЗИҚОВА</b>	
Ноодатий боғланиш – услубий восита сифатида.....	116
<b>З.АКБАРОВА, Ш.АНВАРҲУЖАЕВА</b>	
Нутқ маданияти масалаларининг ўрганилишига доир.....	118
<b>Ш.АСКАРОВА</b>	
Немис тили дарсларида лексикани ўргатиш методлари.....	120
<b>М. КАРИМОВА, И.МЕРГАНОВ</b>	
Ўрта асрлардаги педагогик фикрларнинг маънавий моҳияти.....	123

## АДАБИЙ ТАҚВИМ

---

<b>Илмга бахшида умр.....</b>	126
-------------------------------	-----

УДК: 41+4+8.085

## НУТҚ МАДАНИЯТИ МАСАЛАЛАРИНИНГ ЎРГАНИЛИШИГА ДОИР

З.Ақбарова, Ш.Анвархўжаева

### Аннотация

*Ушбу мақолада нутқ маданияти масалаларининг ўрганилишига доир тилшунос олимларнинг илмий-тадқиқий ишлари ва қарашлари тадқиқ этилган.*

### Аннотация

*В данной статье рассматривается научно-исследовательская работа и взгляды ученых лингвистов по изучению задач культуры речи.*

### Annotation

*In this article, the research work and views of linguistic scholars on the study of the problems of the culture of speech are examined.*

**Таянч сўз ва иборалар:** тил, нутқ, нутқий мулоқот, мурожаат, мотив, нутқ маданияти

**Ключевые слова и выражения:** язык, речь, речевое общение, обращение, мотив, культура речи.

**Key words and word expressions:** language, speech, communication, addressing, motive, faculty of speech.

Маълумки, тилнинг вужудга келиши катта ижтимоий эҳтиёж билан боғлиқдир. Жамиятнинг асоси бўлган инсонлар бир-бирларига ниманидир айтиш, фикр билдириш, узатиш ва, шунингдек, ахборот олиш орқалигина фаолият юритишлари мумкин бўлган. Бу жараёнда улар, албатта, ўзаро бир-бирларига мулоқот орқали муносабатда бўлганлар.

Жамиятнинг тадрижий ривожланиши, меҳнат тақсимооти аста-секин кишиларнинг алоҳида гуруҳ ва табақаларга ажралишига олиб келган.

Тил ҳақида фикр юритган Аристотель, Цицерон, Абу Наср Фаробий, Абу Райҳон Беруний, Маҳмуд Замахшарий, Алишер Навоий каби алломалар нутқий мулоқотнинг мурожаат шакли ҳақида ҳам фикр билдирганлар. Хусусан, Абу Али ибн Сино жамиятнинг барқарор туришини ўзаро мулоқот билан боғлар экан, унда кишилар бир-бирига мурожаат қилишга ҳам муҳтож эканликларини кўрсатади [1.58].

В.В.Виноградов, В.В.Бабайцева, Л.Ю.Максимов, Н.С.Валгина, В.В.Колесов, Л.П.Крысин, А.А.Леонтьев, А.И.Ефимов, Б.М.Головин, В.Д.Бондалетов, В.М.Алпатов, Ю.Д.Дешериев, Н.И.Формановская каби рус олимларининг ишларида, мурожаатнинг нутқ жараёнидаги ўрни ҳақида фикрлар

билдирилган [2].

Кишилар ўртасидаги муносабатлар ниҳоятда мураккаб ижтимоий жараён бўлиб, бу муносабатлар мазмуний структурасида коммуникатив, интерактив ва перцептив жиҳатлар мавжуд бўлади. Бадиий асарларда ҳаёт лавҳалари акс этар экан, кишилар орасидаги муносабатларнинг кўринишлари персонажлар ўртасидаги ўзаро мулоқотларнинг психологик характериға мос ҳолда тасвирланиши шу санъат асарининг бадиий қимматини белгилловчи мезонлардан бири сифатида хизмат қилади.

Бу ўринда яна бир жиҳат таъкидланиши зарур: одатдаги фикр алмашиш жараёнида бўладиган мурожаатда сўзловчи субъектнинг турли новербал қўшимча ҳаракатларга эҳтиёжи бўлмайди. Бундай эҳтиёж сўзловчи-субъектнинг психологик мувозанати издан чиққан ҳолларда юзага келади. Психологик мувозанат эса ё ижобий туйғулар ёки салбий ҳиссиётлар билан кечадиган кўзғалишлар туфайли ўзанидан чиқади ва бунинг натижаси сифатида, турли новербал воситалар фикр алмашиш мулоқотида мурожаатнинг эмоционал жиҳатдан тўлдирувчиси бўлиб келади. Умуман, нутқ жараёнидаги психологик ҳолатнинг ана шу жиҳатлари туфайли дунёдаги баъзи халқларда тана ҳаракатларининг расмий қоидалари вужудга келган ва шаклланган.

*З.Ақбарова – ФарДУ ўзбек тилшунослиги кафедраси доценти, филология фанлари номзоди.*

*Ш.Анвархўжаева – ФарДУ рус тили ва адабиёти йўналиши 3-курс талабаси.*

Маълумки, инсон фаолият субъектидир. Фаолият эса доимий ҳаракатдан иборат бўлади. Фаолиятнинг ҳаракатдалиги унинг фалсафий қарашлари ва психологиясидаги тарихийликни юзага чиқаради, уни барқарор ҳолга келтириб шакллантиради. Миллий менталитет, маълум маънода, шу жараённинг маҳсулидир. Инсонларнинг фаолиятсизлиги улар психологиясидаги конформизмни барқарорлаштиради.

Инсонларда руҳий-маънавий эрка бўлган эҳтиёж улар ҳаётининг мутлақ эҳтиёжига айланган. Эҳтиёж В.С.Мерлин белгилаши бўйича, инсон томонидан бошдан кечирилган ва англаб олинган етишмовчилик. В.Н.Колбановский эса эҳтиёжни организм, шахс, жамиятнинг бошдан кечирилган, ҳис қилинган, аниқ, реал етишмовчиликлар ҳақидаги хабар-маълумотларга бўлган жавоби (реакцияси) бўлиб, вужудга келган етишмовчиликни йўқотиш учун уларни фаол сафарбарликка йўналтиради, деб белгилайди. А.В.Петровский томонидан “шахс фаоллигининг манбаси”, С.А.Рубинштейн томонидан “эмоция” деб белгиланса,

К.К.Платонов эҳтиёж “эмоциялар билан биргаликда вужудга келади” деб белгилайди. В.С. Мерлин эҳтиёжни мотив билан узвий боғлиқликда кўради – “ҳар қандай мотив эҳтиёждир” [3].

Инсонларда мулоқотга бўлган эҳтиёжи жамиятнинг барча даврларида ҳам муҳимлик даражасини йўқотмайди. Кишилар ўзаро мулоқотга киришганларида бир пайтнинг ўзида психик, лингвистик ҳамда социал хусусиятларини намоён этадилар. Самарали мулоқот жараёнини ташкиллай билиш масаланинг амалий аҳамиятини кўрсатса, уни назарий асосларини тўғри баҳолай билиш илм-фанга катта ютуқлар олиб келади. Мулоқотнинг жуда узоқ даврлар мобайнида ўрганилиб келинганлиги ҳам унинг масалалар таркиби ўта мураккаб ва қизиқарли эканлигидан далолат беради. Бугунги кунда замонавий йўналишларнинг муҳим асосида тил компетентлигига эътибор қаратилаётганлиги мазкур мулоҳаза ва тадқиқотларнинг узвий давомидир. Кўриб ўтилганидек, мулоқот амалий ва назарий тадқиқотлар учун муҳим объект бўла олади.

#### Адабиётлар:

1. Фалсафа курсининг айрим масалалари (ўқув-методик ёрдам). – Фарғона, 1996.
2. Виноградов В.В. Стилистика. Теория поэтической речи. Поэтика. – М., 1963; Бабайцева В.В., Максимов Л.Ю. Современный русский язык. Ч. 3. Синтаксис. Пунктуация. – М., 1987; Валгина Н.С. Синтаксис современного русского языка. – М.: Высш.Шк. 1991; Колесов В.В. Язык города. – М.: Высш.шк. 1991; Крысин Л.П. Язык в современном обществе. – М.: Просвещение, 1969; Ефимов А.И. Стилистика русского языка. – М.: Просвещение, 1969; Головин Б.Н. Как говорить правильно. – М.: Высшая школа, 1988; Бондалетов В.Д. Социальная лингвистика. – М.: Просвещение, 1987; Алпатов В.М. Япония. Язык и общество. – М.: Наука, 1988; Дешериев Ю.Д. Социальная лингвистика. – М.: Наука, 1977; Формановская Н.И. Речевой этикет и культура общения. – М.: Высш.шк., 1989; Б.М Петров. Краткий психологический словарь – справочник. – М.: “Высшая школа”, 1974.

(Тақризчи: Ш.Искандарова, филология фанлари доктори, профессор).